



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hiervsalem Nova

Mosham, Ruprecht von
[Köln], 1540

VD16 M 6428

Der Dritt staffel.

urn:nbn:de:hbz:466:1-36780

Das neuw Hierusalem/

selbst/der erst zärtit vnd staffel zu der hymlichen götli-
chen weyshait vnd Theologey/ das wir wissen vnd glau-
hen/ das vor für vns selbs vnd aus vns selbs nicht glau-
hen mögen/ vnd derhalben gegen dem wort/ gegen den
geboten vnd heuelch gottes/ von natur ungehorsam/
vnd zu allen götlichen dingen vntüchtig vnd vnuernöge-
lich sein/ Also das wir aus vns selbs on die hilff vnd ges-
nad gottes nicht allain niches thün/ sonnder auch nichts
gedencken mögen/wie Christus selbs zeuget/ Jo. am xv.
vnd der Apostel in der ij. Corinth. iii.

¶ Der Ander staffel.

¶ Der ander staffel vnd grad ist/ dyweil wir aus
vnnsern aignen krefcen/ vnd höchstem vermögen aller
vnnser vernunft nicht glauben/ oder dem wort vnd ge-
bot Gottes nicht gehorsam sein mögen/ damit vor zum
anndern bestendiglich glauben/ vnd nicht zweyffeln/das
wir dyse allmächtige/götliche krafft des glaubens/allain
von Got durch Christum haben vnd erlanngen sollen
vnd müssen.

¶ Der Dritte staffel.

¶ Der dritt staffel vnd grad aber/ainen rechten/
bestendigen/ wirkenden Abrahams glauben zuüberlos



HIERVSALEM NOVA.

men vnd zärlannen ist / damit wir wissen / glauben vnd
verstehen das mittel / durch welches solche götliche krafft
vnd tugent des glaubens gesucht vnd erlangt werden
solle / das mittel aber dadurch wir dyses kostlichen hymn
isch vnd Evangelisch perlein des glaubens erlangen /
ist niches anderes / dann das wort des gebets / vnd ein
embsich vnd vnableßig bitten / räffen vnd schreyen zu
Gott / dadurch wir den glauben in dem wort suchen vnd
finden / bitten vnd werden erhört vnd geworde / kloppen
derhalben an / vnd es wirdt uns aufgethan / Und
nicht allain der glaub / sonnder es wirdt uns auch der
heylig geyst in dem wort des glaubens reichlich gegeben /
welchen uns Gott als wenig will versagen / vnd zugeben
abschlagen / als wenig ein vatter unter den menschen sei
nem son oder kindt abschlecht oder zägeben waygert /
was imen nutz vnd güt ist / wie Christus selbs bezeuget /
vnd uns zu einem vnableßigen / embsigen / stätem bie
ten ermanet / Luce. am xi.

¶ Der vierde staffel.

¶ Der vierde staffel aber zu eroberung vnd erhal
tung eines rechten / warhaftigen glaubens ist / dyweil
uns Christus vnd der Apostel bewilchte / das wir on uns